

Сийрат дарслари (213-дарс) Киши дўстининг динида бўлади



19:00 / 13.01.2023 1655

826. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: **«Киши дўстининг динида бўлади. Демак, ҳар бирингиз кимни дўст тутишига назар солсин»**, дедилар».

Абу Довуд, Термизий ва Ҳоким ривоят қилишган.

* * *

827. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: **«Одамлар орасини бузишдан сақланинг, чунки бу** (динни) қиравчидир», дедилар».

Термизий ривоят қилган.

* * *

828. Абдуллоҳ ибн Умар розияллоҳу анҳумодан ривоят қилинади:

«Умар Жобияда бизга хутба қилди: «Эй одамлар! Мен сизларнинг

орангизда худди Расууллоҳ соллаллоҳу алайҳи васаллам бизнинг орамизда турган мақомларида турибман. У зот шундай деганлар: «**Сизларга саҳобаларимни тавсия қиласин. Сўнгра улардан кейин келадиганларни. Сўнгра улардан кейин келадиганларни. Сўнгра ёлғон тарқалади. Ҳатто кишидан қасам ичиш сўралмаса ҳам, қасам ичаверади. Гувоҳлик сўралмаса ҳам, гувоҳлик беради. Огоҳ бўлинглар! Бир эркак зинҳор бир аёл билан холи қолмасин! Агар шундай бўлса, учинчилари шайтон бўлади. Жамоатни лозим тутинглар, тафриқадан (бўлинишдан) эҳтиёт бўлинглар. Чунки шайтон битта биландир, иккитадан узокроқ бўлади. Ким жаннатнинг ўртасини ирова қиласа, жамоатни лозим тутсин. Кимни яхшилиги хурсанд қилиб, ёмонлиги маҳзун қиласа, ана ўша мўминдир».**

Термизий, Ибн Можа ва Ҳоким ривоят қилишган.

* * *

829. Бурайда розияллоҳу анҳудан ривоят қилинади:

«Расууллоҳ соллаллоҳу алайҳи васаллам: «**Жидду жаҳд қилувчиларнинг аёлларининг ҳурмати** (уйда) ўтириб қолганлар учун худди ўз оналарининг ҳурмати кабидир. Ўтириб қолганлардан бир киши жидду жаҳд қилувчиларнинг аҳлига қараб турадиган бўлатуриб, унга улар борасида хиёнат қиласа, Қиёмат куни туриб унинг амалидан истаганича олади. Бунга нима дейсиз?» дедилар».

Муслим ривоят қилган.

«Расууллоҳ соллаллоҳу алайҳи васаллам» китобидан